




# INFO

Januar / Veljača / Март, 2022. god.



**22 GODINE  
BRČKO DISTRINKTA ВИН**

**22 ГОДИНЕ  
БРЧКО ДИСТРИКТА БИХ**

# Čelnici Distrikta razgovarali s članom Predsjedništva Bosne i Hercegovine Šefikom Džaferovićem o stanju u Distriktu

U Gradskoj vijećnici u Brčkom danas gradonačelnik Brčko distrikta Bosne i Hercegovine Esed Kadrić, zamjenik gradonačelnika Anto Domić, predsjednik Skupštine Siniša Milić i potpredsjednik Ivo Filipović održali su sastanak s članom Predsjedništva Bosne i Hercegovine Šefikom Džaferovićem i premijerom Vlade Federacije Bosne i Hercegovine Fadilom Novalićem.

Kako je kazao Kadrić, na sastanku rukovodstva Vlade i Skupštine su, u skladu sa svojom odgovornošću, razgovarali sa Džaferovićem o novonastaloj situaciji u Bosni i Hercegovini, te su predstavili i afirmisali sve velike infrastrukturne projekte koji se tiču Brčko distrikta Bosne i Hercegovine.

„Mi smo iznijeli svoja stajališta, da smo uspjeli pokazati zavidan nivo otpornosti na sve utjecaje i događanja u Bosni i Hercegovini, s namjerom da očuvamo političku stabilnost u našoj političkoj zajednici i tamo gdje imamo odgovornost prema građanima Distrikta Brčko. Uspjeli smo prevazići

izazove, pokazali smo visok stepen razumijevanja, uvažavanja i tolerancije i mi smo se sada fokusirali na nastavak aktivnosti, na realizaciju važnih projekata, pri čemu smo dobili podršku gospodina Džaferovića“, kazao je Kadrić.

On se osvrnuo i na često spominjanje Distrikta, kao mjesto potencijalnih sukoba i incidenata, u medijima, što izaziva izvjesnu nelagodu i strah kod građana Brčko distrikta BiH, te je istakao da nema razloga za takve osjećaje.

„Dali smo veliku podršku i povjerenje Policiji Brčko distrikta BiH, Vlada i Skupština neometano funkcionišu i mi nastavljamo sa svojim aktivnostima. Imali smo priliku još jednom s premijerom Vlade Federacije proći kroz nekoliko važnih projekata, međusobno informisati o dosadašnjim koracima, a uskladit ćemo vrlo brzo i s Vladom Republike Srpske neke aktivnosti i procese, te nastavljamo raditi za boljšak i građana Distrikta Brčko i Bosne i Hercegovine u cijelosti“, dodao je gradonačelnik.





Član Predsjedništva Bosne i Hercegovine Šefik Džaferović kazao je da je posjetom želio da vidi kakvo je stanje u Brčko distriktu Bosne i Hercegovine, kao i da pošalje važne poruke.

„Ono što sam čuo od čelnika Distrikta je nešto umirujuće i nešto što daje sasvim sigurno jedan drugačiji pogled kada je u pitanju Bosna i Hercegovina. Oni međusobno sarađuju, učinili su i učiniti će sve kako bi situacija u Brčko distriktu BiH bila potpuno stabilna. Moja poruka ljudima u Brčko distriktu BiH i cijeloj Bosni i Hercegovini je ta da su stabilnost i mir najbitnije dvije riječi koje izgovaramo u proteklo vrijeme, na čemu treba svi zajedno u Bosni i Hercegovini da radimo“, kazao je Džaferović.

U svom obraćanju istakao je da je neophodno čuvati dostignuti nivo reformi u Bosni i Hercegovini, da se obavljaju ekonomske i ukupne društvene reforme u Bosni i Hercegovini, kao i da Bosna i Hercegovina treba

ići evropskim putem koji je jedini mogući put. Sve ostalo, prema riječima Džaferovića, vodi u neizvjesnost, destabilizaciju i na put koji nikome ništa u BiH ne može donijeti dobro.

„Najvažnije je raditi na što uspješnijem poslovanju Luke Brčko, na plinskim konekcijama, elektrifikaciji pruge od Banovića do Brčkog, na izgradnji autoputa Sarajevo – Beograd koji treba da ide kroz Distrikt“, rekao je Džaferović, dodavši: „Pozivam na mir, na stabilnost, na tolerantnu retoriku sve političke aktere u Bosni i Hercegovini. Pozivam ih odavde, iz Brčko distrikta BiH, jedne izrazito multietničke sredine koja se izgrađivala kao Distrikt i koja može da posluži svim drugim sredinama unutar Bosne i Hercegovine“.

Nakon održanog sastanka, gradonačelnik Kadrić je zajedno sa Džaferovićem i Novalićem obišao centar grada, a potom su posjetili novootvoreni ured Federacije Bosne i Hercegovine u Brčko distriktu BiH.





# Upriličena prva posjeta Distriktu za veleposlanike Nizozemske i Španjolske u Bosni i Hercegovini

Gradonačelnik Brčko distrikta Bosne i Hercegovine Esed Kadrić zajedno sa dogradonačelnikom Antonom Domićem i glavnim koordinatorom Željkom Antićem, upriličio je posjetu veleposlanika Nizozemske u Bosni i Hercegovini gospodina Jana Waltmansa i veleposlanice Španjolske u Bosni i Hercegovini gospođe Terese Lizaranzu.

Na sastanku se govorilo o trenutnoj situaciji u Brčko distriktu BiH, s obzirom da između jednog dijela građana postoji strah prouzročen čestim medijskim spominjanjem Brčko distrikta BiH u kontekstu potencijalnog mjesata sukoba, te su predstavnici Vlade upoznali veleposlanike sa činjenicom kako nije bilo problema takve prirode od osnivanja Distrikta, koji funkcioniра kao multietnička sredina i kako je Vlada posvećena smirivanju ovog problema. Veleposlanik Waltmans zahvalio se na prijemu kazavši kako Brčko svojim posebnim statusom zaslužuje posebnu pažnju, te da je ohrabrujuće vidjeti brojne aktivnosti koje Brčko poduzima na stvaranju novih radnih mjesta, čime se stvara pozitivno poslovno okruženje. Kako je kazao

Waltmans, ohrabrujuće je vidjeti da političari i državni službenici, iz sva tri konstitutivna naroda, surađuju i vode dijalog o raznim pitanjima, čak i o stvarima u kojima se ne slažu, te uspijevaju da implementiraju zakonodavstvo i aktivnost u korist građana.

„Važno je fokusirati se na ono što spaja ljude, a ne na ono što ih dijeli“, kazao je veleposlanik.

Veleposlanica Lizaranzu kazala je da su današnjim sastankom dobili izravan uvid u ono što se događalo u Distriktu i da je ohrabrujuće vidjeti rad institucija na dobrobit građana te svjedočiti trendu koji postoji u posljednjih nekoliko godina, a tiču se donošenja pozitivnih legislativa za napredak Brčko distrikta BiH, jer je to temelj za investicije, projekte, ulaganja i aktivnosti.

„Drago mi je da sam čula prepoznatljive riječi poput dijalog i konsenzus. Razgovarali smo o položaju mlađih u Brčko distriktu BiH, s mogućnostima pružiti im jednu svijetu budućnost i određene prilike koje mogu iskoristiti, te koliko je zapravo važno među mlađima promovirati ovaj duh suradnje i zajedništva“, istakla je veleposlanica.



## Стање у Дистрикту главна тема састанка челника Владе и делегације ЕУФОР-а

Градоначелник Брчко дистрикта Босне и Херцеговине Есед Кадрић и замјеник градоначелника Анто Домић одржали су састанак са делегацијом ЕУФОР-а, на челу са Брајсом Хаудетом, оперативним командантом Европске уније за операцију АЛТХЕА у Босни и Херцеговини.

Повод одржавања састанка је често спомињање Брчко дистрикта БиХ као потенцијалног мјesta сукоба, што је довело до осјећаја страха и забринутости код једног дијела грађана Дистрикта. Челници Владе су упознали делегацију са овом

проблематиком, казавши да Влада предузима све активности како би се ти осјећаји одагнали.

Оперативни командант Брајс Хаудет истакао је своје задовољство одржаним састанком на којем је чуо много корисних информација.

„У посљедње вријеме је било разних изјава доводећи у питање сигурносну ситуацију овдје и могу рећи да је сигурносна ситуација мирна и стабилна те бих препоручио људима да у том погледу не слушају гласине које говоре супротно“, поручио је Хаудет.

## Градоначелник Дистрикта уприличио пријем за начелника општине Пале ФБиХ

У Градској вијећници градоначелник Дистрикта Есед Кадрић уприличио је пријем за начелника Општине Пале ФБиХ Алмина Ђутука.

Током разговора између Кадрића и Ђутука, посебна пажња посвећена је договарању будуће сарадње између двије заједнице, као и потенцијално пружање помоћи Дистрикту овој општини. Градоначелник Кадрић казао је да ће ускоро узвратити посјетом, а начелнику Ђутуку данас је први боравак у Дистрикту након преузимања функције.





## Čelnici Vlade Distrikta održali sastanak s rezidentnom koordinatoricom UN u BiH

U Gradskoj vijećnici gradonačelnik Brčko distrikta Bosne i Hercegovine Esed Kadrić, zamjenik gradonačelnika Anto Domić i glavni koordinator Vlade Željko Antić održali su sastanak s rezidentnom koordinatoricom Ujedinjenih nacija u Bosni i Hercegovini dr. Ingrid Macdonald.

Prisutni su razgovarali o aktualnim dešavanjima i programima koje Vlada provodi uz podršku tima Ujedinjenih nacija, kao što je projekat energetske efikasnosti, a dotakli su se i problema prouzrokovanih pandemijom korona virusa na području Distrikta.

Gradonačelnik je upoznao koordinatoricu s intenzivnim radom Vlade na donošenju Zakona o obnovljivim izvorima energije, a Macdonald je

naglasila važnost usklađivanja lokalnih razvojnih strategija sa skoro donesenim Okvirom za realizaciju Ciljeva održivog razvoja u Bosni i Hercegovini, kojim se podstiče zeleni ekonomski razvoj i jačaju usluge socijalne zaštite.

Koordinatorica Macdonald je pohvalila reakciju Vlade na događaje prethodnih dana, kazavši da je važno djelovati i preduzimati mjere na svako izražavanje mržnje i diskriminacije, čime se jača siguran ambijent za sve građane, te da će tim Ujedinjenih nacija u BiH nastaviti s pružanjem podrške projektima koji implementiraju Ciljeve održivog razvoja i podržavaju poštovanje unutar zajednica i između zajednica u Bosni i Hercegovini.

## Održan sastanak sa šeficom političkog tima Britanske ambasade u Bosni i Hercegovini

Gradonačelnik Brčko distrikta Bosne i Hercegovine Esed Kadrić i zamjenik gradonačelnika Anto Domić održali su sastanak sa šeficom političkog tima Britanske ambasade u Bosni i Hercegovini gospodrom Helen Flewker. Ovo je prva posjeta šefice Flewker Brčko distriktu BiH, na kojem se razgovaralo o aktualnoj situaciji, pokrenutim projektima i ekonomskim prilikama na području Distrikta.

Kako je kazala Flewker, razlog njene posjete je ujedno razumijevanje izazova i mogućnosti s kojima se suočavaju lokalne zajednice u Bosni i Hercegovini, kako bi velikom broju parlamentaraca u Velikoj Britaniji mogla prenijeti utiske o dešavanjima Bosni i Hercegovini.

Ona je pohvalila rad Vlade Distrikta, a posebno je istakla zadovoljstvo formiranjem Ureda za prevenciju i koordinaciju aktivnosti za suzbijanje korupcije i Komisije za odlučivanje o sukobu interesa u Brčko distriktu BiH.



# Представници брчанских нивоа власти разговарали са делегацијом ВСТВ БиХ у Градској вијећници

Делегација Високог судског и тужилачког вијећа Босне и Херцеговине посјетила је Брчко дистрикт Босне и Херцеговине, којом приликом су се састали са чланицима извршне, законодавне и судске власти Дистрикта. Састанак се одржао у Градској вијећници, а присутни су разговарали о тренутном стању и актуелним питањима која се тичу финансирања правосуђа, као и осталим питањима важних за правосуђе. Главни циљ ових активности, како су навели из ВСТВ, јесте даље јачање ефикасности, интегритета као и успостављање повјерења грађана у правосуђе. Уједно, указало се на важност и унапређење сарадње између извршних, законодавних и правосудних институција и ВСТВ БиХ.

Градоначелник Брчко дистрикта БиХ Есед Кадрић изразио је своје задовољство што су се сва три стуба власти у Брчком састали са ВСТВ БиХ на једном мјесту како би разговарали о важним питањима. Он је истакао да институције у Брчком при свом раду прате и поступају са највишим актима Брчко дистрикта и Босне и Херцеговине, те да је сарадња између различитих нивоа

власти у Дистрикту изузетна. Присутни чланови ВСТВ БиХ изразили су своје задовољство са стањем у правосуђу Дистрикта, а предсједник Лагумџија нагласио је да се ради о ванредној сарадњи између извршне, судске и законодавне власти, која може да послужи као примјер осталим дијеловима Босне и Херцеговине. „Однос законодавне, извршне и судске власти је јако важан, то јесу независни стубови власти, али не значи да немају потребе да сарађују и да немају законом уређене облике сарадњи и међузависности. Предсједнику Лагумџији смо пренијели своје задовољство досадашњим односом законодавне и извршне власти када је ријеч о буџетским издвајањима“, нагласио је главни тужилац Тужилаштва Брчко дистрикта БиХ Зекерија Мујкановић. Ово је први састанак између члника Владе, Скупштине и правосудних институција са делегацијом ВСТВ БиХ, а како је речено, у будућности ће слиједити оваква пракса размјене мишљења, разумијевања и подршке.





© Kate Holt

## Handicap International Kakuma, Kénya – 2017

Zebidah, ergothérapeute dans le camp de réfugiés de Kakuma, discute de la prothèse d'Achol. Blessée par un tir, sa jambe a dû être amputée.

# Izložba fotografija Žene humanitarke



U Gradskoj vijećnici otvorena je izložba fotografija „Žene humanitarke“, koju je upriličio gradonačelnik Brčko distrikta Bosne i Hercegovine Esed Kadrić zajedno sa ravnateljem Omladinskog centra Damirom Radenkovićem, prvim zamjenikom visokog predstavnika i supervizora za Brčko distrikt BiH Michaelom Scanlanom i veleposlanicom Francuske u BiH Nj.E. Christine Toudic.

Gradonačelnik Kadrić kazao je da Vlada Distrikta ulaže napore kako bi se pružila adekvatna potpora kvalitetnom funkcioniranju nevladinog sektora, posebno u promociji istinskih, pravih i zdravih vrijednosti. „Izložba promovira one nepoznate, vrijedne žene koje su spremne da žrtvuju sebe i da posvete svoj život u borbi za obespravljene, za skrb i pomoć drugima. Poruka ove izložbe je jako važna za nas, za našu političku zajednicu, kako bi nas dodatno motivirala da budemo potpora jedni drugima“, istakao je Kadrić.

Veleposlanica Toudic objasnila je da se radi o izložbi fotografija na kojima su prikazane žene koje su posjećivale mjesta zahvaćena prirodnim katastrofama ili ratom, te da je ideja bila da se pokaže kako ove žene ne koriste samo humanitarnu pomoć i da nisu uvijek žrtve nego da zajedno mogu mnogima da pomognu.

„Poruka koju želim da posaljem jeste da su žene nešto za šta treba da se borimo u budućnosti, za njihovo mjesto u cijelom svijetu, pa i u Brčkom, zato što je dokazano da su žene zajedno puno jače i da stvari puno bolje stoje u politici i ekonomiji i želim da se ta poruka čuje i ovdje u Brčkom“, kazala je ambasadorka.



## Потписан Уговор о наставку изградње стадиона „Јединство“ Брчко

Шеф Одјељења за јавне послове Владе Брчко дистрикта БиХ Ратко Стјепановић и директор предузећа „Бук промет“ д. о. о. Бијељина Љубомир Васић потписали су Уговор о наставку изградње градског стадиона „Јединство“ Брчко.

Како је казао шеф Стјепановић, ради се о четвртој фази наставка изградње стадиона за шта је издвојено 7.600.000,00 КМ, те је предвиђено да се у наредних 15 мјесеци тај посао и обави. Он је додао да су уговором предвиђени, између остalog, радови као што су извођење санационих радова на

конструкцији објекта, завршна хидроизолација свих вањских површина трибина, као и затварање цјелокупне западне трибине фасадном конструкцијом са уградњом припадајуће алуминијске браварије.

Потписивању уговора присуствовао је власник предузећа Јован Гајић, који је изјавио да се ради о предузећу са дугогодишњом традицијом доброг пословања и да је ово њихов први ангажман на подручју Брчко дистрикта БиХ.

## Usvojena Odluka o usvajanju programa utroška sredstava za treći, četvrti i peti pokušaj umjetne oplodnje

Na 44. redovitoj sjednici Vlada Brčko distrikta Bosne i Hercegovine usvojila je Prijedlog odluke o odobravanju tekuće donacije i programa utroška sredstava Crvenom krstu/križu Brčko distrikta BiH za prijevoz učenika djeca s poteškoćama u razvoju.

Na prijedlog Odjela za zdravstvo i ostale usluge usvojena je Odluka o usvajanju Programa utroška sredstava tekućeg transfera za javne fondove Fondu zdravstvenog osiguranja Brčko distrikta BiH za treći,

четврти i peti pokušaj umjetne oplodnje u iznosu od 165.000,00 KM.

Također, na prijedlog istog Odjela, usvojena je Odluka o odobravanju programa utroška sredstava za dodjelu jednokratne novčane pomoći za slučaj smrti demobiliziranog branitelja i člana uže obitelji umrlog demobiliziranog branitelja na području Brčko distrikta BiH za 2022. godinu u iznosu od 270.000,00 KM.

# Градоначелник Кадрић подржао активности у пројекту „Сjeћање на Алексу Микића“

Градоначелник Брчко дистрикта Босне и Херцеговине Есед Кадрић одржао је, заједно са шефом Одјељења за јавни регистар Томом Обреновићем и шефом Службе за архив Ђазимом Суљевићем, састанак са представницима Српског просвјетног и културног друштва „Просвјета“ те брчанским предузетником Драганом Пајићем поводом припремања изложбе под називом „Сјећање на Алексу Микића“.

Присутни су се подсјетили да је Алекса Микић рођен у селу Буквик код Брчког, био југословенски књижевник, аутор многоbrojnih књига за дјецу, дугогодишњи новинар листа „Ослобођење“ Сарајево, главни уредник

листова за дјецу „Мале новине“ и „Весела свеска“ те добитник годишње награде Друштва писаца Босне и Херцеговине за 1957. годину те да је неопходно дати почаст Микићу као важној брчанској личности из свијета књижевности. Суљевић је истакао да је Служба за архив прикупила вриједну архивску грађу која свједочи о богатом стваралаштву овог писца. Градоначелник Кадрић искористио је прилику да се захвали присутним за њихов допринос у овој активности те је казао да ће подржати организовање изложбе као примјер очувања вриједне историјске и културне баштине Брчког и околине.



# Gradonačelnik Kadrić upriličio prijem za članove SUBNOR-a

Gradonačelnik Brčko distrikta Bosne i Hercegovine Esed Kadrić upriličio je prijem za predstavnike Saveza udruženja boraca narodnooslobodilačkog rata iz Brčkog i predstavnike iz Republike Srbije, Autonomne pokrajine Vojvodine.

Predsjednik SUBNOR-a Srbije, general-major Vidosav Kovačević, zahvalio se gradonačelniku na prijemu te je kazao kako današnji dolazak članova ovog saveza u Brčko predstavlja priznanje i poštovanje za sve ono što SUBNOR Brčko radi zajedno sa organima vlasti, čime se pokazuje njihova

predanost na očuvanju kulture sjećanja i njegovanju kulture sjećanja na slavnu narodnooslobodilačku i antifašističku prošlost.

„Mi imamo izuzetno dobru saradnju sa SUBNOR-ima Republike Srbije, što dokazuje i dolazak jedne velike delegacije iz Vojvodine u Brčko“, kazao je Janko Vuković, predsjednik SUBNOR-a Brčko.

Na prijemu je također uručena Medalja borca, najveće priznanje SUBNOR-a, jedinom preživjelom borcu u Brčkom pukovniku Šerifu Karahasanoviću.



# Одржан други по реду „Суџука фест“ у Брчком

У оквиру обиљежавања 22. године Брчко дистрикта Босне и Херцеговине у Брчком одржан је други по реду „Суџука фест“ у организацији Воћног клуба из Брчког.


Ову манифестацију посјетио је и градоначелник Брчко дистрикта БиХ Есед Кадрић који је казао да је циљ „Суџуке феста“ посебно афирмисати произвођаче босанске суџуке.

„Брчко је традиционално познато по производњи сувомеснатих производа и овом манифестацијом ту традицију желимо да наставимо. Жеља нам је да кроз данашњу организацију додатно подржимо произвођаче суџуке у Брчком како би могли приступити још квалитетнијем начину продаје својих производа“, казао је Кадрић.

Координатор „Воћног клуба“ Саво Лукић казао је да је ове године за најбољу суџуку у занатској производњи проглашено пољопривредно газдинство „Бабић“ из Високог, а за најбољу суџуку у индустријској производњи Месна индустрија „Сарић“ из Јелаха.

„И ове године поклонили смо граду овај догађај, град који има месну традицију захваљујући „Бимексу“ који је оставио дубок траг у производњи месних прерађевина. На овогодишњем фестивалу учествовала су 22 учесника из БиХ и регије и било је око четрдесет узорака које је оцењивао стручни жири. Када стекнемо боље услове план нам је да трајање овог фестивала продужимо“, казао је Лукић.





## Učesnici Festivala „Dječija mašta može svašta“ boravili u Gradskoj vijećnici



U Gradskoj vijećnici upriličen je prijem za učenike Festivala „Dječija mašta može svašta“ koji se tradicionalno održava već 18 godina u sklopu manifestacija povodom obilježavanja Dana Distrikta. Gradonačelnik Brčko distrikta Bosne i Hercegovine Esed Kadrić kazao je da se radi o jednoj od najznačajnijih manifestacija, budući da učestvuju učenici osnovnih škola sa područja Distrikta, što je potvrda ispravnosti podrške koju Vlada pruža u organizaciji ovog Festivala. Jovan Adamov, umjetnički direktor Festivala, iskazao je svoje zadovoljstvo, ne samo opstankom, nego i interesovanjem koji ovaj Festival privlači iz godine u godinu. „Svake godine je sve veći broj kandidata na audicijama, što je znak da je festival opstao. Mogu da kažem da je za to zaslužna svakako Vlada Brčko distrikta, jer da nema njihove podrške, ne bi mogao da se napravi ovakav grandiozni koncert, koji je dosegao nivo najbolje dječje priredbe u regionu“, istakao je Adamov.

# Награду Гранд При Фестивала „Дјечија машта може свашта“ освојио Давид Стевић






Фестивал „Дјечија машта може свашта“ одржан је традиционално у оквиру програма обиљежавања 22. годишњице Брчко дистрикта Босне и Херцеговине, у сали брчанске Гимназије. Фестивал је отворио Амир Софтић, шеф Кабинета градоначелника Брчко дистрикта, а Жељко Антић, главни координатор Владе, уручио је Давиду Стевићу, ученику Прве основне школе, награду Фестивала Гранд При за интерпретацију за пјесму под називом „Анђела“.

Данијела Абрамовић, ученица Десете основне школе, за своју пјесму „Ноћ лептира и вила“ освојила је прву награду, а другу награду подијелили су ученици Прве основне школе, Мартин Ренер за пјесму „Кад порастем“ и Нора Пирић за пјесму „Чоколадни пољупци“.

Пјесма „У љубави је спас“ коју је извела ученица Четврте основне школа Софија Бијелић освојила је трећу награду, заједно са пјесмом „Залъбишка“ у изведби Асје Драпић, ученице Пете основне школе.

На Фестивалу су подијељене и друге награде, па је тако посебна награда за интерпретацију припада пјесми „Доста ми је свега“ у изведби терцета ученика из Десете основне школе, Даниеле Гељић, Ане Јурковић и Мате Јурковића, а ученице исте основне школе Ивка Вилушић и Вероника Јерковић су такође освојиле посебну награду за пјесму „Није лако“. Награду за сценски наступ освојила је Лара Сметановић, ученица Прве основне школе, за пјесму под називом „Хвалила се б у б а м а р а “ .



## Povodom 22. godine Distrikta na Trgu mladih održan koncert Severine

U okviru obilježavanja 22. godine Brčko distrikta Bosne i Hercegovine na Trgu mladih u Brčkom nastupila je regionalna glazbena zvijezda Severina Vučković.

Severina je poznata hrvatska pjevačica i profesionalno se počela baviti glazbom 1990.-tih godina. Dobitnica je velikog broj nagrada.

Prije nastupa Severine nastupile su i srednjoškolke iz Brčkog Enida Mulamujić i Dajana Nikolić koje su ostvarile velike rezultate i stekle popularnost u svijetu glazbe.



## Укинуто обавезно ношење маске у затвореним просторима

Штаб за заштиту и спасавање Брчко дистрикта Босне и Херцеговине донио је нову Наредбу којом се укидају прописане епидемиолошке мјере обавезног ношења маске у затвореним просторима. Изузетак су здравствене установе и старажачки домови у којима остаје на снази обавезно ношење маске.

Епидемиолошке мјере које се примјењују у образовном систему укидају се ради лакшег одвијања наставе и пратећих активности.

# Buduće investicije Turska grupacija „Sunar“ posjetila Distrikt

Gradonačelnik Brčko distrikta Bosne i Hercegovine Esed Kadrić zajedno je sa svojim saradnicima upriličio prijem za ambasadora Bosne i Hercegovine u Republici Turskoj i predstavnike grupacije „Sunar“ iz Republike Turske, te su razgovarali o mogućnostima ulaganja u Brčko distrikt Bosne i Hercegovine. Kako je u izjavi za medije kazao gradonačelnik Kadrić, radi se o vodećoj kompaniji u oblasti poljoprivredne proizvodnje na području Turske, te da su na sastanku razmatrane mogućnosti njihovog investiranja u Brčkom, pokretanjem proizvodnje kukuruznog škroba. „Imamo dobre prepostavke za saradnju s ovom renomiranim kompanijom koja bi bila od značaja i za Bosnu i Hercegovinu i za regiju. Mislim da je ovo velika šansa za poljoprivredu Distrikta, ukoliko se strateški opredijelimo za proizvodnju kukuruza i da je ovo jako dobra i pozitivna priča koja će otvoriti perspektivu za ulaganjem u Bosnu i Hercegovinu i Distrikt“, dodao je Kadrić.

Ambasador Bosne i Hercegovine Adis Alagić zahvalio se na prijemu i podršci brčanskoj Vladi, te se osvrnuo na temu današnjeg sastanka. „Kompanija o kojoj govorimo je

jedna od sto najvećih proizvođača u Republici Turskoj, njihov izvoz dostiže u preko stotinu zemalja u svijetu i naša zemlja, konkretno Brčko distrikt BiH, u njihovom su fokusu za buduću investiciju. Oni redovno prate dešavanja u Bosni i Hercegovini, zainteresovani su za ovu saradnju s Distrikтом i nadam se da ćemo na taj način privući slične kompanije i osigurati uslove da ulažu u našu zemlju“, kazao je Alagić. Hakan Yurdakul, član Odbora za ekonomske politike u Predsjedništvu Republike Turske, kazao je da Brčko nudi jako dobre uslove za potencijalne investitore, između ostalog, ističe porezne olakšice koje su prisutne u odnosu na druge dijelove BiH, te geografsku lokaciju Distrikta.

„Mi smo kompanija koja djeluje u poljoprivrednom sektoru, imamo nekoliko firmi u našoj grupaciji i zainteresovani smo da jedna od tih grupacija djeluje ovdje. Brčko distrikt BiH je naša prva stanica kada su u pitanju nove investicije i nova proizvodnja izvan našeg centralnog dijela gdje se nalazimo“, istakao je predsjednik Uprave „Sunar“ grupacije Mustafa Nuri Çomu.



# Gradonačelnik zajedno sa Sattlerom i Scanlanom obišao završenu rekonstrukciju platoa JP „Luka Brčko”





Gradonačelnik Brčko distrikta Bosne i Hercegovine Esed Kadrić zajedno sa svojim saradnicima, predstavnicima zakonodavne vlasti Distrikta, ambasadorom Johann Sattlerom, šefom Delegacije Evropske unije u BiH i specijalnim predstavnikom i Michaelom Scanlanom, prvim zamjenikom Visokog predstavnika i supervizor za Brčko obišao je JP „Luka Brčko” povodom završene rekonstrukcije platoa.

Direktor JP „Luka Brčko” Perica Josić kazao je da slike koje danas idu iz Distrikta šalju jasnu poruku svima da je „Luka Brčko” i Brčko distrikt BiH spreman za nove investicije, nove projekte i, kako je kazao, i za dolazak novih investitora.

„Radovi su počeli prije šest mjeseci i završeni su u roku i u okviru ugovorene cijene od 1.770.000,00 KM. Mislim da je to ogroman uspjeh i da je ovo veliki dan za „Luku Brčko” i završetak platoa. Hvala Evropskoj banci koja je odobrila kredit i koja je prepoznala Distrikt kao strateški interes, ali i BiH. Zahvaljujem se i Evropskoj komisiji koja je odobrila grant, bespovratna sredstva od 3 miliona eura. Također, i supervizor za Distrikt je iznimno doprinio realizaciji ovog projekta”, kazao je Josić.

Šef Delegacije Evropske unije u BiH i specijalni predstavnik Johann Sattler kazao je da je Evropska unija (EU) uz narod BiH i da ulaže mnogo u BiH i Distrikt.

„U ovom trenutku imamo 18 projekata koji su gotovo vrijedni milijardu eura. Te investicije znače otvaranje novih radnih mesta za narod koji živi na ovim prostorima što istovremeno znači i napredak. Završen je prvi dio projekta u „Luci Brčko“ gdje je ukupna investicija 10 miliona eura. Ovaj projekat će učiniti Brčko gradom koji će imati adekvatnu vodenu infrastrukturu. Pored naše posvećenosti obnovi infrastrukture mi ulažemo i u sektor sigurnosti”, kazao je Sattler.

Prvi zamjenik Visokog predstavnika i supervizor za Brčko distrikt BiH Michael Scanlan čestitao je svima Dan Distrikta i Međunarodni dan žena i kazao da danas Brčko pokazuje da nije samo primjer suživota i uzajamnog poštovanja, nego i primjer jednog zajedničkog prosperiteta.

„Luka je sada činjenica i preostala su još dva koraka koja je potrebno završiti za njenu modernizaciju. Rekonstrukcija mosta je nešto na čemu se radi, autoputevi postaju realnost i preduzima se sve kako bi Brčko zaista postalo multimodalno transportno čvoriste u ovom dijelu regije. Investicije su već prisutne što znači otvaranje radnih mesta u privatnom sektoru, zapošljavanje ljudi koji žele ovdje da rade i grade budućnost”, kazao je Scanlan.

Projekat je finansiran od Evropske banke za obnovu i razvoj (EBRD) u vrijednosti od 20 miliona maraka, 14 miliona maraka kreditnih sredstava i 6 miliona maraka granta nepovratnih sredstava od Evropske unije.



# Сатлер уручио кључеве теренских возила Инспекторату и Одјељењу за пољопривреду

Шеф Делегације Европске уније у Босни и Херцеговини и специјални представник Јохан Сатлер уручио је кључеве четири теренска возила за потребе Инспектората Брчко дистрикта БиХ и Одјељења за пољопривреду, шумарство и водопривреду. Он је казао да пројекат у „Луци Брчко“ и уручење кључева од возила као и многи други пројекти говоре да је Европска унија уз народ БиХ и да ће наставити помагати БиХ. „Почели смо посјету са два пројекта, а један од њих је и уручење кључева од теренских возила. Ради се о укупној донацији 33 возила за цијелу БиХ, односно вриједности од пола милиона који ће бити уложен у сектор здравства. Видјели смо за вријеме пандемије колико је овај сектор био важан, колико је било битно функционисање укупног здравственог система и Европска

унија наставиће да улаже у ту област“, казао је Сатлер.

Фитосанитарни инспектор Инспектората Брчко дистрикта БиХ Хашим Кујунцић казао је да ће ова донација Европске комисије бити од вишеструке помоћи.

„Брчко је овим пројектом добило 4 теренска возила и информатичке опреме у вриједности од око 140 хиљада марака. Два возила су намијењена фитосанитарним инспекторима, а преостала два Одјељењу за пољопривреду, односно Сектору за безbjедnost хране.“, казао је Кујунцић.

Кључеви су уручени шефу Инспектората Брчко дистрикта БиХ Аднану Драпићу и шефу Одјељења за пољопривреду, шумарство и водопривреду Миленку Нинковићу.



# Održana svečana akademija povodom 22. godine Brčko distrikta BiH

Povodom 22. godine Brčko distrikta Bosne i Hercegovine održana je svečana akademija u brčanskom Domu kulture, kojoj su prisustvovali međunarodni zvaničnici, gosti iz entitetskih i državnih institucija, predstavnika vjerskih, kulturnih i privrednih zajednica te predstavnika izvršne, zakonodavne i sudske vlasti.

Prisutnim gostima obratili su se gradonačelnik Brčko distrikta Bosne i Hercegovine Esed Kadrić, predsjednik Skupštine Siniša Milić, prvi zamjenik Visokog predstavnika i supervizor za Brčko Michael Scanlan i šef Delegacije Evropske unije u BiH i specijalni predstavnik Johann Sattler, a program je upotpunjen muzičkim izvedbama i podjelom nagrada učenicima za najbolje literarne radove.

U svom obraćanju novinarima, gradonačelnik Brčko distrikta Bosne i Hercegovine čestitao je svim građanima Dan Distrikta, a svim građankama ujedno i Međunarodni dan žena.

„Za 22 godine trajanja kao političke zajednice, Brčko distrikt Bosne i Hercegovine je poslužio kao primjer u smislu reintegracije, suživota, principa ravnopravnosti, ali i izazova kako osigurati

perspektivu za stanovnike Distrikta. Mi smo u posljednjih godinu dana intenzivno krenuli u reforme i moram istaći da Distrikt ima zdravu političku klimu zahvaljujući kojoj postižemo za sada dobre rezultate te vjerujem da će ovo biti godina velikih uspjeha za Distrikt, godina u kojoj će naši stanovnici ostvariti očekivanja koja su stavili pred nas“, kazao je Kadrić.

Predsjednik Skupštine Siniša Milić izjavio je da je, zahvaljujući brzom konstituisanju vlasti nakon posljednjih lokalnih izbora i političkoj stabilnosti Brčko distrikta BiH, u proteklom periodu ostvaren napredak te da je vlast pokazala odlučnost u izgradnji Distrikta kao mjesto kompromisa, dogovora i dobrih odnosa s obzirom da se radi o izrazito multietničkoj sredini.

Novinarima se također obratio premijer Federacije Bosne i Hercegovine Fadil Novalić. „Brčko distrikt može biti svjetionik svima ostalima u Bosni i Hercegovini, jer, kako je kazao gospodin Sattler, ovdje u Brčkom mnogo je više stvari koje povezuje građane, nego koje ih dijele“, naglasio je premijer.

# 22 GODINE BR 22 ГОДИНЕ БРЧКО



Proglašeni pobjednici literarnog natječaja  
**,,Dvadeset dvije su mi godine”**

# ČKO DISTRINKTA BIH ЧКО ДИСТРИКТА БИХ



Najbolje radeve na literarnom natječaju za učenike brčanskih osnovnih i srednjih škola, koji je pod nazivom „Dvadeset dvije su mi godine“ raspisan povodom 22. godišnjice Brčko distrikta BiH, poslali su Jovana Živković učenica 4. razreda Gimnazije „Vaso Pelagić“ među srednjoškolcima i Alekса Mihajlović učenik 9. razreda iz Druge osnovne škole.

Prvonagrađenim učenicima, kao i ostalim učenicima čiji su radevi zavrijedili drugo, odnosno treće mjesto diplome i prigodne nagrade uručio je gradonačelnik Brčko distrikta BiH Esed Kadrić na svečanoj akademiji organiziranoj povodom 22. rođendana Brčko distrikta BiH.

Osim pobjedničkih radeva, Povjerenstvo za ocjenu i rangiranje literarnih radeva sastavljeno od nastavnika koji predaju jezik u osnovnim i srednjim školama ocijenila je da drugo mjesto među radevima učenika srednjih škola pripada Lejli Bećirović, učenici 1. razreda brčanske Gimnazije, a treće mjesto Filipu Domiću, učeniku 2. razreda Poljoprivredne i medicinske škole.

U kategoriji učenika osnovnih škola drugo mjesto pripalo je radu koji je poslala Esma Čačković, učenica VII. 1 razreda Sedme osnovne škole u Gornjem Rahiću, a treće mjesto osvojila je Ana Blagić, učenica V. 3 razreda Druge osnovne škole, odjel u Grčici.

Literarni natječaj trajao je od 1. do 25. veljače, na koji je stiglo 95 radeva u obje konkurencije.

# Одржана промоција књиге „Речи су сенке дела“ аутора Душка Лопандића

У организацији Службе за архив Одјељења за јавни регистар Владе Брчко дистрикта Босне и Херцеговине у Градској библиотеци одржана је промоција књиге „Речи су сенке дела“ аутора Душка Лопандића.

Аутор ове књиге казао је да књига говори о историји дипломатије и да је написана на оригиналан начин.

„У књизи су различите приче и различити животи повезани с развојем модерног свијета који је у 17. вијеку још увијек био на граници између средњег и новог вијека. Књига се бави еволуцијом дипломатског занимања и међународних односа у прошлости, структурисаних око три кључна мировна конгреса који су обликовали Европу и свијет Вестфалски мир (1648), Бечки конгрес (1815) и Мир у Версају (1919). То је историја кроз приче и кроз животе разних особа које су се бавили дипломатијом као што су били Бизмарк, Наполеон III, цар Александар I и сл.“, казао је Лопандић.

Промотор књиге Игор Давидовић казао је да је Лопандић осим што је изузетан

професионалац у дипломатији он, како је нагласио, пише и с лакоћом стилисте и показује манир лаког приступа литерарног стила писања о дипломатији.

Шеф брчанске Службе за архив Ђазим Суљевић подсјетио је да су средином прошле године Дистрикт и Архив Војводине у Новом Саду потписали споразум о сарадњи.

„Тaj споразум укључује сарадњу у областима свих сегмената архивске дјелатности и ево први корак у тој сарадњи је и данашња посјета директора и сарадника архива из Војводине као и данашња промоција књиге“, казао је Суљевић.

Промоцији је присуствовао и директор Архива Војводине Небојша Кузмановић.

Заједно са сарадницима присуствовали су и главни координатор Владе Брчко дистрикта БиХ Желько Антић и предсједник Скупштине Брчко дистрикта БиХ Синиша Милић.

Промоција је организована у оквиру обиљежавања 22. године Брчко дистрикта БиХ.



# Vlada usvojila Smjernice za izmjene i dopune Zakona o obrazovanju u osnovnim i srednjim školama Distrikta

Na 46. redovitoj sjednici, Vlada Brčko distrikta Bosne i Hercegovine usvojila je Smjernice za izradu Nacrta Zakona o izmjenama i dopunama Zakona o obrazovanju u osnovnim i srednjim školama Distrikta koje se, između ostalog, odnose na proširenje nadležnosti Pedagoške institucije, te propisivanje postupka zapošljavanja nastavnika, stručnih suradnika, suradnika u nastavi, ravnatelja i pomoćnika ravnatelja.

Na prijedlog Odjela za prostorno planiranje i imovinskopravne poslove usvojena je Odluka o odobravanju prijedloga izmjena i dopuna regulacijskog plana dijela stambenog naselja „Meraje“ i urbanog područja „Gornji Rahić Centar“ u Brčko distriktu BiH, a odobren je i

Prijedlog odluke o odobravanju prijedloga regulacijskog plana „Rijeke I“ i izvorište vode „Plazulje I“.

Vlada je također odobrila Prijedlog odluke o pristupanju izradi regulacijskog plana „Zona rada i industrije Interplet“ koji će biti sukladno namjeni površina predviđenim Izmjenama i dopunama Urbanističkog plana grada Brčko (II) plansko razdoblje 2007. - 2017. godine.

Ujedno, na prijedlog Odjela za komunalne poslove, Vlada je usvojila Odluku o odobravanju programa utroška sredstava za dodjelu kapitalne donacije Javnom poduzeću „Komunalno Brčko“ d.o.o. za izgradnju i opremanje bunara sa vodocrpilišta Štrepcu.



# Gradonačelniku Kadriću uručen najstariji pisani trag o spominjanju Brčkog





U okviru obilježavanja 22. godišnjice Brčko distrikta Bosne i Hercegovine gradonačelniku Esedu Kadriću uručena je kopija najstarijeg pisanih dokument u kojem se spominje Brčko, a riječ je o Povelji koja datira iz 1422. godine. Povelju je uručio direktor Arhiva Vojvodine Nebojša Kuzmanović u prisustvu članova Vlade, Službe za arhiv Brčko, predsjednika Skupštine Siniše Milića te predstavnika Arhiva Vojvodine. Gradonačelnik Kadrić zahvalio se Kuzmanoviću i njegovim saradnicima na donesenoj kopiji ovog važnog dokumenta iz Arhiva u Budimpešti, te je kazao da će on biti istaknut i vidljiv za sve goste u Gradskoj vijećnici.

„Za nas je ovaj dokument kao neka vrsta rođendana Brčkog, jubilej od 600 godina otkako se u prvom dokumentu, do koga smo za sada došli, spominje Brčko, tako da svim Brčacima i Brčankama čestitam 600 godina postojanja našeg grada“, izjavio je Kadrić.

Kako je kazao Kuzmanović, kopija povelje može da posluži kao inspiracija arhivima, upravama i svim građanima da se na još bolji način povežu, kao što je to slučaj za Novi Sad i Brčko.

„Povelja je pisana na staroslavenskom jeziku te će naše kolege prevesti cijelokupan tekst koji ćemo poslati gradonačelniku. Za sada smo utvrdili suštinu povelje, a odnosi se na mađarskog kralja Žigmunda, koji je te 1422. godine jednom plemiću dodijelio neke posjede i tu se spominje prvi put mjesto Barkaz, odnosno današnje Brčko“, istakao je Kuzmanović.

# ИЗБОР СПОРТИСТВА IZBOR SPORTISTE

## Najbolji športaši Distrikta u 2021. godini Doris Živković i Almir Čolo



# ГЕ ГОДИНЕ БРЧКО ДИСТРИКТА ЗА 2021. GODINE BRČKO DISTRIKTA ZA 2021.



U organizaciji Odjela za gospodarski razvitak, šport i kulturu Vlade Brčko distrikta Bosne i Hercegovine u Domu kulture u Brčkom održana je manifestacija „Izbor športaša godine“.

Za najbolje športaše u 2021. godini proglašeni su: Doris Živković iz kick-box kluba „Storm Gym“ i Almir Čolo iz OK „Mladost“, a za najbolji športski kolektiv proglašen je ŽOK „Bimal Jedinstvo“. Priznanje za najuspješnijeg športaša s invaliditetom dobio je Mirko Tadić-Zečević iz SDI „Jedinstvo-Boće“. Najuspješniji športaš atletike i ostalih grana športova je Mlađen Samardžić iz Atletskog kluba „Marathon“ Brčko, dok je priznanje za najuspješnijeg športaša športova na vodi uručeno Jasminu Klebiću iz Kajak-kanu kluba „Zaveslaj Brčko“.

Nagrada najuspješnije športašice borilačkih športova pripala je Jeleni Vasić iz „Taekwondo kluba Brčko“, dok je Ivana Radović iz Ženskog odbojkaškog kluba „Bimal Jedinstvo“ Brčko proglašena za najuspješniju športašicu dvoranskih športova. Matej Franjić dobio je priznanje kao najbolji nogometni trener Brčko. Najuspješnja mlada športašica je Milica Vasić iz „Taekwondo kluba Brčko“, a Danis Avdić iz Atletskog kluba „Cross“ Brčko dobio je priznanje za najuspješnijeg mладог športaša. Najzaslužniji sportski kolektiv za razvoj atletike i ostalih grana



štporta proglašen je Atletski klub „Cross“ Brčko. Nagradu za najzaslužniji športski kolektiv za razvoj športa na vodi dobio je Kajak-kanu klub „Zaveslaj Brčko“. Najuspješniji klub borilačkih športova je „Taekwondo klub Brčko“, dok je najuspješniji klub dvoranskih sportova Odbojkaški klub „Mladost“ Brčko. Priznanje najuspješnjeg nogometnog kluba uručeno je Ženskom fudbalskom klubu „Lokomotiva“ Brčko. Najuspješniji pogon mladih je Košarkaški klub „Lavovi“ Brčko, dok je športski događaj godine bio Međunarodni malonogometni Bajramski turnir Brčko distrikta BiH. Priznanje je uručeno i odbojkašu Arminu Mustedanoviću za promociju Brčko distrikta BiH u svjetu. Priznanje za najboljeg športskog novinara uručeno je Danijelu Vuksanoviću (eBrčko). Nagrada za dugogodišnjeg športskog radnika pripala je Izetu Bandi, dok je Smail Pezerović iz ŽOK „Bimal Jedinstvo Brčko“ izabran za najuspješnijeg trenera. Nagrade i priznanja najboljim športašima pored žirija uručio je i glavni koordinator Vlade Brčko distrikta BiH Željko Antić i predstojnik Odjela za gospodarski razvitak, šport i kulturu Pero Gudeljević. Manifestacija je održana u okviru obilježavanja 22. godine Brčko distrikta BiH.

# Gradonačelnik Kadrić upriličio prijem za promotore monografije „Muzička škola u Brčkom: 70 godina“

U programu obilježavanja Dana Distrikta, u sali Doma kulture promovisana je monografija pod naslovom „Muzička škola u Brčkom: 70 godina“ koju je napisao prof. dr. Miradet Zulić.

Prije promocije, gradonačelnik Brčko distrikta Bosne i Hercegovine Esed Kadrić upriličio je prijem za autora i promotore monografije te je s prisutnima razgovarao o jednoj od najstarijih muzičkih škola u Bosni i Hercegovini.

Kako je kazao Kadrić, radi se o jednom vrijednom djelu koje će ostaviti trag o početku, trajanju, funkcionisanju i organizaciji ove škole, a ujedno služi kao motivirajuća pretpostavka da se u Brčkom, uz osnovnu, osnuje srednja muzička škola.

„Imali smo nekoliko pokušaja prije da se oformi srednja muzička škola i mislim da je izvjesno da ćemo u ovom mandatu ostvariti uslove za to, upravo naše

današnje okupljanje budi potrebu i želju da pristupimo angažmanu na uspostavi svih neophodnih dokumenata i procedura kako bismo je mogli formirati. Osnovnu muzičku školu pohađa oko 200 učenika, što je veći broj učenika od mnogih redovnih osnovnih škola u Distriktu Brčko i to pokazuje da je Brčko uistinu grad muzike i kulture“, izjavio je gradonačelnik.

Jasmin Hasić, direktor Muzičke škole i promotor monografije, zahvalio se Vladi Distrikta na ukazanom povjerenju i pruženoj podršci u izdavanju ove knjige, ističući njenu važnost za muzičku umjetničku scenu u Bosni i Hercegovini. „Nadam se da će ova monografija poslužiti u doprinisu, ne samo muzike u Brčkom, nego uopšteno historijata i kulture grada Brčko“, kazao je prof. dr. Zulić.

Nakon promocije održan je i koncert učenika Muzičke škole.



## Usvojen Prijedlog odluke o odobravanju Programa utroška sredstava donacija za \ neprofitne organizacije iz područja športa i kulture

Na nastavku 46. redovite sjednice Vlade, na prijedlog Odjela za gospodarski razvitak, šport i kulturu usvojena je Odluka o odobravanju Programa utroška sredstava donacija za neprofitne organizacije iz područja športa i kulture. Time su odobrena sredstva u ukupnom iznosu od 1.450.000,00 KM, u svrhu doprinosa razvoju Brčko distrikta BiH u područjima športa i kulture, te poticaje na još veća dostignuća.

Programom su definirani kriteriji za raspodjelu odobrenih sredstava, čija će podjela biti izvršena prema različitim kategorijama iz ova dva područja, pa su tako kategorije iz područja športa podijeljene na klubove od posebnog interesa, klubove nositelje kvaliteta natjecanja, atletika, nogometni klubovi kao i

ligaško natjecanje u pojedinačnim i duo nastupima, turnirske i pojedinačno natjecanje. Iz područja kulture vrijednovat će se udruga koja se bave njegovanjem i očuvanjem nacionalnog kulturnog naslijeđa, kulturno-umjetnička društva i udruge čiji rad utječe na razvoj područja kulture u Brčko distriktu Bosne i Hercegovine. Također, odobren je prijedlog Direkcije za financije vezano za smjernice za izradu Pravilnika o primjeni Zakona o igrama na sreću koji će, između ostalog, imati za cilj uspostavljanje učinkovitog nadzora nad tržištem igara na sreću, posebnu zaštitu maloljetnika i ovisnika o igrama na sreću te reguliranje novih igara na sreću koje su se pojavile na tržištu.

# U programu godišnjice Distrikta obilježeno 75. godina djelovanja MOK „Jedinstvo Brčko“

Muški odbojkaški klub Jedinstvo Brčko ove godine proslavlja 75. godina svog postojanja, povodom čega je, u okviru manifestacija Dana Distrikta, upriličena svečanost kojoj su nazočili članovi Vlade Brčko distrikta Bosne i Hercegovine. Među gostima su bila renomirana imena brčanske odbojke, igrači, treneri i predstavnici uprave, a pozivu su se odazvali i gosti iz regije.

„Muški odbojkaški klub prezentira Brčko distrikt, ne samo u Bosni i Hercegovini, nego i u Europi, a mogu reći i u svijetu. Vlada Distrikta u okviru svojih mogućnosti, nastoji pomoći svim klubovima, a naručito onima koji postižu vrhunske rezultate, a *Jedinstvo Brčko* je definitivno jedan od takvih klubova“, kazao je predstojnik Odjela za gospodarski razvitak, šport i kulturu Pero Gudeljević.

On je podsjetio kako je Vlada na sjednici usvojila kriterije za raspodjelu sredstava u vidu pomoći

klubovima u njihovom radu, pa je tako upravo odbojka svrstana u prvu kategoriju.

„Brčko s pravom nosi epitet grada odbojke i svakako da je *Jedinstvo* prvi klub koji je započeo tu tradiciju. Vlada prepoznaće kvalitet športskih klubova i kada imate jedan ovakav vrhunski klub, onda je za očekivati da će to biti dodatna motivacija brčanskoj upravi da ulaže u svoje talente, kao i mladim ljudima da se bave tim športom“, dodao je Gudeljević.

U svom obraćanju predstavnik kluba Mehmedalija Žilić kazao je da *Jedinstvo* od svog osnutka 1946. godine nikada nije prestalo raditi, čime je očuvan kontinuitet odbojke u Brčkom. „U proteklom vremenu smo promjenili infrastrukturu kluba, u želji da spojimo ono što je nekada bilo i ono što nas očekuje. Nadamo se kako smo na pravom putu i počeli smo već ostvarivati rezultate“, kazao je Žilić.



# Представници извршне и законодавне власти одржали састанак с удружењима пензионера Дистрикта



Градоначелник Брчко дистрикта Босне и Херцеговине Есед Кадрић заједно с главним координатором Владе Жельком Антићем, шефом Одјељења за стручне и административне послове Недимом Хамзабеговићем и предсједником Скупштине Брчко дистрикта БиХ Синишом Милићем одржао је састанак с удружењима пензионера с подручја Дистрикта где су разговарали о побољшању положаја ове популације.

Градоначелник је казао да је циљ састанка уједно био и да се додатно направе кораци како би се пребродио тежак и изазован тренутак.

„У овом тешком тренутку великих поскупљења желимо да с пензионерима разговарамо о могућностима додатне подршке и неких програма који би олакшали егзистенцију овој категорији. Разговарали смо и о начину примјене новог Закона о буџету и потешкоћама које су се у међувремену десиле. Ови програми који су у примјени у Влади Дистрикта, мислим и на једнократну новчану помоћ и субвенције које се дају на комуналне услуге, вјероватно су прилично анахроне, с обзиром да се годинама исти модел примјењује. Можда има неких и нових идеја или потреба да се овај пакет модификује како би био од користи већем броју пензионера и на тај начин, с обзиром да долази до великих поскупљења, помогао и олакшао свима“, казао је градоначелник.

Он је подсјетио да ће се ријешити и проблем исплате за прошлу годину везано за бањско лијечење, те да ће, како је нагласио, Влада уз подршку Скупштине осигурати недостајућа средства.

Предсједник Скупштине Брчко дистрикта БиХ Синиша Милић казао је да се Дистрикт према износима средстава и програмима који се односе на пензионере сасвим сигурно издава у односу на остатак БиХ.



Градоначелник Брчко дистрикта Босне и Херцеговине Есед Кадрић заједно с главним координатором Владе Жељком Антићем, шефом Одјељења за стручне и административне послове Недимом Хамзабеговићем и предсједником Скупштине Брчко дистрикта БиХ Синишом Милићем одржао је састанак с удружењима пензионера с подручја Дистрикта где су разговарали о побољшању положаја ове популације.

Градоначелник је казао да је циљ састанка уједно био и да се додатно направе кораци како би се пребрдио тежак и изазован тренутак.

„У овом тешком тренутку великих поскупљења желимо да с пензионерима разговарамо о могућностима додатне подршке и неких програма који би олакшали егзистенцију овој категорији. Разговарали смо и о начину примјене новог Закона о буџету и потешкоћама које су се у међувремену десиле. Ови програми који су у примјени у Влади Дистрикта, мислим и на једнократну новчану помоћ и субвенције које се дају на комуналне услуге, вјероватно су прилично анахроне, с обзиром да се годинама исти модел примјењује. Можда има неких и нових идеја или потреба да се овај пакет модификује како би био од користи већем броју пензионера и на тај начин, с обзиром да долази до великих поскупљења, помогао и олакшао свима“, казао је градоначелник.

Он је подсјетио да ће се ријешити и проблем исплате за прошлу годину везано за бањско лијечење, те да ће, како је нагласио, Влада уз подршку Скупштине осигурати недостајућа средства.

Предсједник Скупштине Брчко дистрикта БиХ Синиша Милић казао је да се Дистрикт према износима средстава и програмима који се односе на пензионере сасвим сигурно издваја у односу на остatak BiX.

# Potpisan Sporazum o međusobnoj saradnji između Distrikta i Jevrejske zajednice u BiH

Gradonačelnik Distrikta Esed Kadrić upriličio je prijem za predsjednika Jevrejske zajednice u Bosni i Hercegovini gospodina Jakoba Fincija povodom potpisivanja Sporazuma o međusobnoj saradnji između Distrikta i bosanskohercegovačke Jevrejske zajednice.

Ovim sporazumom utvrđeno je da će potpisnice predano i kontinuirano raditi na uspostavljanju, snaženju i razvijanju kulture sjećanja na zajednicu Jevreja u Brčkom s posebnim naglaskom na doprinos Jevreja ukupnom razvoju Brčkog i masovne zločine i progona, što je za posljedicu imalo potpuno uništenje J e v r e j s k e z a j e d n i c e . „Mi smo potpisali ovaj sporazum kako bismo još jednom potvrdili da ćemo nastaviti kontinuirano raditi na uspostavljanju i snaženju kulture sjećanja na Jevrejsku zajednicu koja je postojala u Brčkom i dala veliki doprinos razvoju ovog grada“, kazao je Kadrić. On je u svom obraćanju naglasio da su brčanske vlasti opredijeljene da kroz određene finansijske projekte i

programe rade na dodatnim istraživanjima i reafirmisanju određenih kulturnih spomenika, koji su dokaz trajanja i postojanja Jevreja na području Distrikta, te je najavio zajedničku izložbu pod nazivom „Tragom brčanskih Jevreja“ koja će biti u p r i l i č e n a u S a r a j e v u . Predsjednik Jevrejske zajednice Jakob Finci zahvalio se gradonačelniku Kadriću i Vladi Distrikta na prijemu te je iskazao svoje zadovoljstvo potpisivanjem navedenog sporazuma. „Želim kazati da je za Jevrejsku zajednicu u Bosni i Hercegovini, potpisivanjem ovog dokumenta sa Distriktom, danas napravljen jedan korak naprijed i nadam se da će cijela Bosna i Hercegovina jednog dana postati slična Distriktu Brčko, da se razvija jednim normalnim putem uz puno poštovanje drugog i drugačijeg, uz njegovanje sjećanja na prošlost te građenje zajedničke budućnosti svih nas i generacija koje dolaze poslije nas“, kazao je Finci.





# Upriličen sastanak čelnika Distrikta i predstavnika Misije Svjetske banke

Čelnici Distrikta u Gradskoj vijećnici održali su sastanak sa predstavnicima Misije Svjetske banke povodom prezentiranja prioritetnih projekata Brčko distrikta u okviru Regionalnog programa za integrirani razvoj koridora rijeka Save i Drine. Sastanku su nazočili gradonačelnik Distrikta Esed Kadrić, dogradonačelnik Anto Domić, glavni koordinator Vlade Željko Antić te čelnici Skupštine i predstavnici odjela i institucija Distrikta te predstavnici Misije, na čelu s voditeljicom projekta gospodom Berinom Uwimbabazi i specijalisticom za vodene resurse gospodom Zhimin Mao.

Navedeni program predstavlja projekt Svjetske banke regionalnog karaktera, a ima za cilj ojačati regionalne ekonomske integracije na Zapadnom Balkanu. Njime je obuhvaćeno pet zemalja Balkana koje mogu kandidirati projekte iz područja monitoringa i upravljanja poplavama i obranama od poplava, zaštite životne sredine, prilagođavanja klimatskim

promjenama i ekološke revitalizacije te razvoja održivog riječnog turizma, transporta i poljoprivrede. Spomenuti program ima ujedno za cilj izgradnju infrastrukture zajednica te jačanje međuregionalne suradnje.

Predstavnici Svjetske banke pohvalili su priključivanje Brčko distrikta ovom tekućem programu te su razmatrali prezentirane prioritetne projekte koji se, između ostalog, odnose na izgradnju centra za upravljanje otpadom na području Distrikta, regulaciju korita rijeka Blizne i Brke, kao i izgradnju šetnice i biciklističke staze uz rijeku Savu.

Kako su kazali, predložene aktivnosti su prihvatljive i sukladne ciljevima projekta, pa je tako u narednom razdoblju nužno pristupiti procjeni aktivnosti i finansijskom odobrenju Odbora Svjetske banke.

Radnom sastanku nazočio je i prvi zamjenik Visokog predstavnika i supervizor za Brčko gospodin Michael Scanlan.

# Брчко дистрикт БиХ домаћин састанка Управног одбора БиХ ЕСАП 2030+

Управни одбор БиХ ЕСАП 2030+ у брчанској Градској вијећници одржао је свој четврти састанак, којем су присуствовали градоначелник Дистрикта Есед Кадрић, замјеник градоначелника Анто Домић, представници Одјељења за просторно планирање и имовинско-правне односе те представници ентитетских министарстава за заштиту животне средине и организатори састанка из Штокхолмског института за заштиту животне средине, на тему израде Стратегије заштите животне средине и Акционог плана 2030+.

Након уводних ријечи, присутни су се осврнули на реализације проектне активности, подсјетивши се да израда овог документа достиже своју завршну фазу, а претходно је надлежним институцијама достављена радна верзија документа те су чланови радних група дали своје примједбе и сугестије на садржај истог. Они су се подсјетили на важност што боље и квалитетније израде овог документа, будући да ће његовим усвајањем од стране

Вијећа Министара БиХ бити омогућено повлачење финансијских средстава из претприступних фондова Европске уније за Босну и Херцеговину, посебно за решавање великих инфраструктурних пројекта. Сходно томе, на састанку су прегледане преостале планиране активности, а процјењено је да ће се усвајање овог документа бити до краја године.

Подсјетимо, уз финансијску подршку Шведске амбасаде, покренута је израда Стратегије заштите животне средине и Акционог плана 2030+ на државном, ентитетском и нивоу Брчко дистрикта Босне и Херцеговине за период од 10 година, чији је носилац израде Штокхолмски институт за заштиту животне средине (SEI). Овај документ подијељен је на седам тематских цјелина, а односи се на управљање водама, отпадом, заштитом природе, ваздуха и земљишта, управљање хемикалијама, управљање шумама, родна равноправност, као и бука и вибрације у животној средини.



# Усвојена Одлука о броју ученика за упис и средње школе за школску 2022. / 2023. годину

На приједлог Одјељења за образовање, Влада Брчко дистрикта Босне и Херцеговине је усвојила Одлуку о броју ученика за упис у средње школе Дистрикта за школску 2022. / 2023. годину, којом се одређује број од 880 ученика распоређених у 44 одјељења за упис у прве разреде средњих школа и уводе нови смјерови.

„Дошло је до одређених корекција и увели смо нове смјерове односно занимања па ће тако у Пољопривредној и медицинској школи бити ново занимање Пољопривредног техничара Фитофармацеут као и Зубно-стоматолошки техничар, у Техничкој школи се уводе нови смјерови и то Руковалац грађевинских и претоварних машина и Зидар/керамичар, дакле ово су занимања којих до сада није било. Такође, обновили смо у Економској школи смјер Угоститељско-кулинарског техничара који посљедњих неколико година није уписиван“, казао је шеф Одјељења за образовање Зоран Булатовић.

Он је казао да планирани број уписа ученика у средње школе прелази број ученика који ће ове године завршити основно образовање у Брчко дистрикту БиХ, али да се рачуна да ће нови смјерови анимирати ученике да упишу таква дефицитарна занимања, као и да ће доћи до евентуалног интересовања ученика из окружења Дистрикта да свој наставак

средњошколског образовања наставе у Дистрикту.

„Приједлогом ребаланса Буџета, који је одобрила Влада Дистрикта, предвиђена су додатна средства за наставак субвенционисања смјештаја студената у студентским домовима у Босни и Херцеговини као и стипендирање дефицитарних занимања у средњим школама, што до сада није било, а предвиђено је у Стратегији развоја Брчко дистрикта до 2027. године. Ми ћемо врло брзо ступити у контакт са пословном заједницом, како бисмо конкретизовали која су то дефицитарна занимања, јер ми имамо одређени преглед и то су дијелом нови смјерови који се уводе у средње школе“, истакао је Булатовић.

Он је додао да Одјељење за образовање има намјеру да упути Јавни позив према свим привредним субјектима како би ушли у процес евентуалног стипендирања и потписивања уговора са ученицима који већ похађају дефицитарна занимања и на тај начин направили аранжмане и уговоре о запошљавању тих ученика по завршетку средње школе.

То, по Булатовићевим ријечима, представља сигурност најприје за ученике да ће добити посао у струци по завршетку школовања, а за привредне субјекте да ће добити школован кадар.





# Vlada odobrila rebalans Budžeta Distrikta za 2022. godinu

Na održanoj 49. redovnoj sjednici, Vlada Brčko distrikta Bosne i Hercegovine odobrila je Odluku o rebalansu Budžeta Brčko distrikta BiH za 2022. godinu u iznosu od 27.855.000,00 KM.

Ovo je novinarima saopćio gradonačelnik Esed Kadrić koji je na konferenciji za medije podsjetio da su sredstva iz rebalansa, između ostalog, planirana za podsticaj u poljoprivredi, za eksproprijaciju te za povećanje sredstava za smještaj studenata u s t u d e n t s k e d o m o v e . „Potrebno je istaknuti da smo se opredijelili da osiguramo donaciju za utrošak električne energije aktivnim potrošačima iz kategorije domaćinstava u vidu novčanog transfera prema JP „Komunalno Brčko“ kako bismo dali podršku u ovom vremenu silnih poskupljenja i subvencionirali struju domaćinstvima. U saradnji s ovim preduzećem napraviti ćemo određene kriterije za realizaciju tih sredstava i smatramo da će ovaj vid podrške imati značajan efekat“, kazao je gradonačelnik Distrikta E s e d K a d r ić . Za oblast sporta i funkcionisanje sportskih kolektiva predviđeno je dodatno izdvajanje sredstava od 1.000.000,00 KM radi saniranja negativnih posljedica s kojima su se suočili sportski kolektivi u protekloj godini. Rebalansom su obuhvaćena sredstva kojim će se supstituirati ljekari koji se nalaze na specijalizaciji, odnosno zaposlenje mladih l j e k a r a d o n j i h o v o g p o v r a t k a . „Nastavljamo s podrškama u finansiranju Zavoda za planiranje, projektovanje i razvoj Brčko distrikta

BiH, Radio-novinsku izdavačku ustanovu „Radio Brčko“ kao i za Razvojno-garantni fond, odnosno Jedinice za implementaciju međunarodnih projekata. U ovom prijedlogu stoji transfer prema Fondu zdravstvenog osiguranja za nabavku senzora za mjerjenje šećera za osobe oboljele od dijabetesa“, d o d a o j e K a d r ić . U izmjene budžeta uvrštena su sredstva za program subvencioniranja dijela kamata za kupovinu prve nekretnine, rekonstrukciju odjeljenja pedijatrije, izgradnju nedostajućih sportskih dvorana za o s n o v n e š k o l e . Kako je naveo u svom obraćanju gradonačelnik Kadrić, predviđena su sredstva za izgradnju stambenog objekta u MZ Brka za smještaj preživjelih članova porodice Salihović, čiji su srodnici stradali u požaru, a značajni iznosi izdvojeni su i za projekat deminiranja, nabavku vatrogasnih vozila te revitalizaciju kulturno-historijskih spomenika i objekta . „Imamo inicijalna sredstva za izgradnju sjedišta nastavnog centra Uprave za indirektno oporezivanje na području Brčko distrikta BiH te ćemo narednih dana pripremiti i potpisati sporazum s njima, i to je za nas veliki uspjeh da jedna tako značajna državna institucija dolazi u Brčko i obavlja određenu djelatnost na teritoriji Brčkog“, rekao je Kadrić, ističući da je rebalans budžeta odraz najneophodnijih potreba i aktivnosti koje vodi Vlada Distrikta, kao i ispunjenje potreba i očekivanja određenih kategorija stanovništva.

# Specijalni izaslanik njemačke Vlade i veleposlanica Njemačke u BiH posjetili službenike Distrikta

Gradonačelnik Brčko distrikta BiH Esed Kadrić upriličio je posjetu Specijalnog izaslanika njemačke Vlade za Zapadni Balkan, gosp. Manuela Sarrazina i veleposlanice Njemačke u Bosni i Hercegovini, gđe Margret Uebber. Posjeti su također nazočili dogradonačelnik dr. Anto Domić, predsjednik Skupštine Siniša Milić i dopredsjednik Ivo Filipović. Službenici su razgovarali o aktivnostima koje Vlada i Skupština Distrikta provode u posljednjih godinu dana, kao i specifičnostima i prednostima koje Brčko distrikt BiH posjeduje. Gradonačelnik Kadrić je u svom obraćanju kazao da se radi o vrlo važnoj posjeti koja predstavlja izvjesnu podršku vlastima Distrikta zbog značajnih reformi koje se postižu i ispravnih politika koje se trenutno vode u Distriktu.

Specijalni izaslanik Sarrazin zahvalio se na prijateljskom prijemu i otvorenom informativnom sastanku, kazavši kako mu je Brčko distrikt među prvim mjestima koje posjećuje u svojstvu svoje funkcije. „Želim naglasiti da nije slučajnost što me moj put u ovom trenutku vodi u Brčko. Ovo je dokaz pažnje koju i njemačka Vlada poklanja Distriktu, to se

odnosi na sigurnosnu situaciju u Bosni i Hercegovini koju pažljivo pratimo i o kojoj se blisko konzultiramo s našim partnerima“, kazao je Sarrazin.

On je dodao kako je primjetan ekonomski potencijal i napredak Distrikta u razvoju lokalne infrastrukture, i da je Brčko na putu da postane multimodalno čvorište za transportne puteve koji će povezati Bosnu i Hercegovinu sa EU, što će biti od koristi i za stanovnike Brčkog i za građane Bosne i Hercegovine.

„Brčko danas svakako može biti jednim dijelom uzor za cijelu državu BiH i vidimo ga kao primjer suživota i međusobnog poštovanja, ali i zajedničkog rješavanja stvari na licu mjesta za zajednički uspjeh i dobar život“, izjavio je izaslanik.

Veleposlanica Njemačke u Bosni i Hercegovini gospoda Margret Uebber kazala je da Brčko zauzima poseban fokus interesa i pažnje njemačkog Veleposlanstva i kako podrška Međunarodne zajednice i Veleposlanstvo Njemačke neće izostati u nastavku vođenja politike koja je jednaka za svakog čovjeka, bez obzira na njegovu entitetsku ili konfesionalnu pripadnost.





# INFO

Kancelarija gradonačelnika, Sekretarijat Vlade Brčko distrikta BiH,  
Sektor za informisanje Vlade Brčko distrikta BiH  
Bulevar mira 1, 76100 Brčko distrikt BiH

[vlada.bdcentral.net](http://vlada.bdcentral.net)